

14.04.2022.



Putem lokalnog partnerstva za zapošljavanje do novih radnih mjesta 14. aprila 2022. godine u prostorijama Gradske uprave Grada Goražda, održan je sastanak svih partnera na projektu „Novi pristup kreiranju radnih mjesta: Inovacijama ka prosperitetnom tržištu rada“, koji finansira Evropska unija, a provodi Međunarodna organizacija rada (ILO). Ovaj, prvi u nizu, radni sastanak lokalnog partnerstva za zapošljavanje Goražde ima za cilj unaprijeđenje socio-ekonomske situacije u Goraždu kroz izgradnju partnerskog ekosistema podrške zapošljavanju i ubrzanu integraciju mladih osoba u tržište rada.

Projekat će trajati 21 mjesec, a partneri na projektu su: Grad Goražde, Udruženje ALDI, TVC d.o.o, SSŠ „Džemal Bijedić“, Služba za zapošljavanje BPK Goražde, Udruženje poslodavaca BPK Goražde, Privredna komora BPK Goražde i Obrtnička komora BPK Goražde.

Lokalno partnerstvo za zapošljavanje Goražde je jedno od 20 uspostavljenih u zemlji u okviru projekta “Podrška Evropske unije lokalnim partnerstvima za zapošljavanje – Faza II” (LEP II), kojeg Evropska unija financira s 4 miliona eura, a provodi Međunarodna organizacija rada (ILO).

Ovaj projekat ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou.

Za više informacija o projektu LEP II, posjetite

www.partnerstvo.ba

i kanale društvenih mreža (Instagram, Facebook, Twitter i YouTube).